

## Informacion mbi mënyrën e deklarimit të deklaratës së TVSH-së, librave të shitjes/blerjes dhe faturave për periudhën tranzitore 1 janar – 31 Gusht 2021

Ligji Nr. 87/2019 “Për Faturën dhe sistemin e monitorimit të qarkullimit” përcakton parimet, rregullat, kriteret, detyrimet, afatet dhe procedurat që duhet të ndiqen nga tatimpaguesit lidhur me lëshimin e faturës, faturës shoqëruese dhe faturës elektronike.

Procesi i Fiskalizimit fillon prej datës 1 Janar 2021, me transaksionet pa para në dorë midis tatimpaguesve dhe organeve publike B2G (nenit 2, gërma b, dhe nenit 48, pika 2/a, i ligjit të sipërcituar).

Fatura elektronike e shkëmbyer nëpërmjet Platformës Qendrore të Faturave do të jetë dokumentacion i vetëm, i vlefshëm, tatimor për furnizimet e marra.

### Të gjithë tatimpaguesit që do të përfshihen në Fiskalizim, duhet të:

- a. Pajisen me çertifikate elektronike nga Agjensia Kombëtare të Shoqërisë së Informacionit (AKSHI). Çertifikata elektronike është një nga elementët e domosdoshëm që siguron përdorimin e portalit të faturës elektronike dhe kryerjen e veprimeve me të.

Tatimpagues: [https://e-albania.al/eAlbaniaServices/UseService.aspx?service\\_code=13691](https://e-albania.al/eAlbaniaServices/UseService.aspx?service_code=13691)

Ent publik: [https://e-albania.al/eAlbaniaServices/UseService.aspx?service\\_code=14485](https://e-albania.al/eAlbaniaServices/UseService.aspx?service_code=14485)

- b. Të sigurojnë lidhje të vazhdueshme interneti në vendin e lëshimit të faturave elektronike (përveç rasteve të parashikuara ku është e pamundur)
- c. Aksesojnë Platformën Qendrore të Faturave duke përdorur kredencialet e aksesit nëpërmjet E-Albania, në adresën: <https://efiskalizimi-app.tatime.gov.al/self-care>
- d. Të sigurojnë pajisje elektronike

Për tatimpaguesit e përfshirë në B2G evidentohen 2 raste:

#### 1. Tatimpaguesi, përveç transaksioneve me ente publike kryen edhe transaksione të tjera. Veprimet që duhet të kryejë tatimpaguesi, sipas transaksioneve, janë:

- Të fiskalizojë faturën që lëshon për **G (ent publik)** nëpërmjet Platformes SelfCare ose Software.
- Të fiskalizojë faturën që lëshon për **B (në rastin e një biznesi të fiskalizuar)** nëpërmjet SelfCare ose Software.
- Të lëshojë fature nga blloku i TVSH-se (ose blloku i thjeshe model 4) për **B (në rastin e një biznesi të pafiskalizuar)**, për transaksione JO CASH.
- Të lëshojë faturë për transaksionet CASH:
  - **Nëse transaksioni CASH kryhet midis dy subjekteve**, tatimpaguesi mund ta fiskalizojë faturën (pasi nuk është i nevojshëm pranimi i faturës nga Blerësi). Në këtë rast nuk ka nevojë që të lëshojë faturë nga blloku i faturave, pasi fatura ka kodin QR. Fatura e fiskalizuar do të deklarohet në librin e shitjeve si deri më sot, duke vendosur si numër serial NIVF.

- **Nëse transaksioni CASH kryhet me blerës të panjohur C(konsumatorë finalë),** shitja ditore përmbledhet me 1 faturë. Deklarimi në librin e Shitjeve do të përshkruhet si Shitje ditore.
- Të deklarojë Librin e shitjes nëpërmjet e-filing, duke e upload-uar si file excel.

**2. Tatimpaguesi kryen transaksione vetëm me entet publike, pra lëshon vetëm fatura elektronike për entet publike.** Veprimet që duhet të kryej tatimpaguesi janë:

- Të lëshojë fature nëpërmjet Portalit Selfcare ose Software dhe t'a fiskalizojë atë.
- Të deklarojë librin e shitjes nëpërmjet e-filing, duke e upload-uar atë, deri në periudhën Gusht 2021

***Kujdes!** Dorëzimi i Deklaratës së TVSH-së dhe librave të Shitjes dhe Blerjes nuk do të ndryshojë, pra do të kryhet nëpërmjet E-filing, deri në periudhën Gusht 2021, duke i plotësuar manualisht kutizat sipas llojit të transaksioneve. Prej periudhës Shtator 2021 librat e shitjes dhe Blerjes sid he deklarata e TVSH-së do të parambushen me të dhënat e faturave të lëshuara nga sistemi i Fiskalizimit.*

**Entet publike duhet të:**

- Pranojnë fature vetëm në formë elektronike e-faturë, nëpërmjet portalit Selfcare ose Software
- Të lëshojnë faturë në formë elektronike, e-faturë për transaksionë G2G (pra kundrejt një enti tjetër publik) dhe t'a fiskalizojnë atë

Faza e dytë e Fiskalizimit zbatohet prej datës 1 Korrik 2021, dhe përfshin transaksionet pa para në dorë midis tatimpaguesve, detyrimin për lëshim të faturës elektronike dhe shkëmbimin e saj nëpërmjet Platformës Qendrore të Faturave.

Faza finale do të zbatohet për transaksionet me para në dorë prej datës 1 Shtator 2021.

Për informacion të detajuar dhe të përditësuar mund të vizitoni menunë e dedikuar:  
<https://www.tatime.gov.al/c/424/fiskalizimi>